



KOMUNIKADO PA PRENSA

Fecha

28 di yüni 2016

Accountmanager

Jhanirha Da Costa Gomez-Anita

Email

jhanirha.anita@gobiernu.cw

ANOCHI DI INFORMASHON TOKANTE RENOBASHON DI PLENCHI “NIJHOFF PARK” I INTRODUKSHON DI COMMUNITY MAILBOX NA SUFFISANT

Willemstad – Minister Camelia-Römer huntú ku Servisio pa Planifikashon Urbano (ROP) ta invitá tur habitante i komersiante di Suffisant kordialmente na un anochi di informashon tokante renobashon di plenchi 'Nijhoff Park'. E parke akí ta unu hopi uza dor di habitantenan, misanan i skolnan den Suffisant, pero e ta den mal estado. Huntú ku e habitantenan di bario, Minister ke deliberá tokante mehorashon di e plenchi, pa asina e por fungi aun mas mihó komo punto sosial kaminda habitantenan por topa.

Durante di e anochi di informashon aki ta trata 2 tópiko importante, esta:

- 1) Renobashon di e plenchi presentá pa un eksperto di ROP,
- i 2) Introdukshon di 'Community Mailboxes' presentá pa un empleado di CPOST.

C-Post tambe tei pa duna informashon tokante e Community Mailboxes ku mester bini na Suffisant. Por wak si nan ta bini na e plenchi i si mester bini na otro sitionan na Suffisant tambe, teniendo kuenta ku posibilidatnan.

E anochi di informashon ta tuma lugá riba djarason 29 di yüni 2016 di 7.15or pa mitar di 9 di anochi den bar di Klup di Shell. Minister Camelia-Römer i ROP ta spera di por risibí tur habitante i komersiante di Suffisant pa e anochi di informashon aki.